

溧陽縣志

溧陽縣志卷十三

人物志

儒林

案歷朝史例經史考據之學為儒林古文詩賦之學為文苑專門名世非有重輕其兼擅眾美

者時亦間出要必各有所專也

潘彙征字泰初記問該洽議論醇正宗濂洛先儒之學  
四薦三魁登嘉定甲戌第廷對剴切劉宰稱其志不苟  
求學行才猷兼備深器重之時杜丞相範為湖州錄參  
彙征為儀真郡文學宰并薦于朝彙征歷任番陽推官  
安慶教班改令崑山邑號難治人咸服其廉平再調繁  
昌晚歲自號鶴山狷叟年六十九卒據建康志  
王貞字可貞洪武二十四年辟明經授本縣訓導凡八

溧陽縣志

卷十三

人物志 儒林

一

年士多成達徵入翰林預纂經籍永樂初為魯王府紀  
善七年隨王之國上書陳戒略曰夫天於國君猶慈父  
之於子也必愛與教俱至而後為得其道然而教之必  
自其少時若物欲既滋天理日蠹必將有扞格不勝之  
患焉殿下之國之初當六月之旱首降甘雨人民相慶  
此天所以愛殿下也至矣旬日之間曾未及政善惡未  
可知也然迅雷大振駭人耳目此天所以警殿下者微  
矣臣待罪京邸於今八年幸侍歸藩敢不竭其涓埃少  
裨萬一姑述所當戒者五其一曰廢問學問學所以廣  
聰明也廢則禮樂名物無自而識古今事變無自而知  
耳目聾瞽是非炫惑故問學不可一日廢也二曰溺宴

安四肢之於安佚人之常情其流至於飽食終日恣情  
徇欲蓋溺宴安則廢問學二者相爲消長惟留心經史  
孜孜汲汲自不暇爲宴安矣三曰徒聽納臣昔侍講京  
邸今日言之明日忘之今日從之明日違之竊以爲殿  
下時在幼沖未及于政今旣就國苟復蹈前轍令譽何  
自而日新請自今以後臣言有可采者卽賜施行其不  
可者雖重加以誣罔之罪亦不敢辭四曰失輕重大而  
君臣父子小而事物細微莫不各有輕重之理百鈞之  
重也十人舉之而不勝一羽之輕也一人舉之而有餘  
概以一人十人舉之是謂不知輕重者也殿下所佩者  
玉也案則石也質固相類用亦相近且石之花纈文采

若有甚於玉者然玉之溫潤縝密孚尹蒨達自相懸絕  
而概以爲石概以爲玉可乎惟殿下觸類以推權其高  
下勿使有過不及之差則輕重得矣五曰縱頑惡殿下  
侍衛之眾亡慮數千百輩皆謂之小人固不可皆謂之  
君子未之信也其或倚王國之重肆其漁獵民受害而  
不敢言殿下苟爲不知彼猶懼夫知也知之而不治治  
之而不嚴然後無所忌憚而不勝其治不勝其治則必  
付之有司論之以法法者朝廷之公非殿下所得而私  
也至是則非曰縱之而又害之矣

據僅存集

書上王敬納之

明年假歸省墓王率宮寮守令輩祖帳臨濟門外宴飲  
賦詩贍賚甚盛旣而假滿還魯居久之宣德元年年八

十二乞休王固禮賢敬士尤愛重貞上言貞在職二十

六年日在左右裨益良多乞陞授長史致仕仍留教書

許之參據僅存集及明史魯王傳案史稱宣德初王

事不言乞陞貞職致仕留府今據僅存集踰年致事還

里王次韻送別詩云在昔居京始十三精思未解極研

譚緝熙顧我年猶少啟迪惟卿任最堪且載小車歸

闕里莫因叢桂憶淮南吾兒尙欲煩調護啖蔗何如設

形邸夢裏時還到玉階念汝回家心最切揮毫落貞爲

人清介易直以慎不屑屑詞章之學而理明辭達粹然

儒者既以學行見重魯邸而一時名公卿解縉金幼孜

曾榮梁潛胡儼楊溥楊士奇輩遊從推服幾滿天下晚

以耆宿里居又若干歲卒學者稱爲正固先生王所賜

溧陽縣志

卷十二

人物志 儒林

三

號也據僅存集

周晏字叔夜屏居湖東覃思易學嘗遊金壇與王冑堂

深譚名理多所契會宣城湯賓尹尤推服之著有易徵

傳於世

錢汝南字坦庵生六月而孤甫二周問母以父所在流

涕不已及長爲諸生有志聖賢之學守身甚嚴日鈔先

儒言行錄自驗焉知縣事江桂馮登瀛延致不就天啟

間充貢國學孫仕偉字偉仲承其家訓食貧勵學有聲

龔序教授屏風山生徒畏服至今稱善教者必曰錢氏

學云

方汝揚家貧學古邃於易理喜胡雲峯之說推行成帙

爲何棟如史孟麟所賞尤精字學覃思窮年著有五音會海藏於家學者稱爲聞崖先生

湯帝賚字築夫萬厯間諸生嘗應府試時科場賦託弊始萌芽帝賚於試卷草一表末綴鍾山詩四句呈之府尹坐是被黜退而教授里中從遊多知名士李青陳名夏後並魁天下帝賚性高簡不屑以貧告人人告之貧輒捐橐予之卒之日無以治後事人咸嗟誦焉

參據溧  
詩選敘

舊縣志

史起龍字蟄卿萬厯間諸生家惟遺產數畝嗜學不倦淹貫經史遠近爭延爲師起龍因弟子材質高下激厲裁抑之多成就者嘗受人遺金瘞諸地待其子長發而

溧陽縣志

卷十二

人物志 儒林

四

還之封識如故

國朝順治間巡按江甯御史劉宗韓贊其像曰皎皎以律已也貞如介石温温以善世也穆如春風

宋臣熙字緝峯幼窮經不屑屑章句而疏通大義萬厯初知縣事帥蘭纂脩縣志延之考訂以貢生知新安縣簡靜廉潔當事擬諸傲扁舟載石以歸貧如諸生時以著述自廢後官荆王邸詩文倡和聞于時子劼孫之繩別有傳

蔣舒字若木崇禎癸酉舉人當塗教諭家居日閉戶著書手自評纂二十一史避亂洮湖舟中常載書自隨兵至輒長跽曰諸物聽公等取去幸勿殘吾典籍也與陳

名夏爲同門友名夏旣貴顯招之辭曰年兄行道以濟  
生民弟亦明道以開來學均之無負師門也感慨卒  
鍾龍期字子猶年十七補諸生試輒冠軍崇禎間兩中  
副榜充貢授撫州府通判未就爲人積學敦行以古處  
自尙端慤醕厚接之者如坐春風中文如其人其後當  
軸屢起之龍期不赴授經芝山四方從遊者甚眾其誨  
人先質後文黜恢奇馳騁而歸於平淡年七十猶孜孜  
於古名家心摹手追不倦孝友睦婣鬻已產構家廟以  
長者見推於時

馬中任字君重從謙孫幼孤事母孝以諸生屢試不中  
課子成名世傑貢太學而世俊大魁天下陞侍讀封父

溧陽縣志

卷十二

人物志 儒林

五

如其官初中任以用世自負晚年雅慕濂溪之學嘗於

董莊開渠植蓮以自娛并寓厥志焉

柱聯云忠孝一生  
臣子事詩書萬卷

聖賢  
心

費良佐字仲嘗爲諸生祭酒所教士多通經服古稱費  
氏學前明天啟末魏璫祠徧天下邑有倡議建立者良  
佐與史忠琇等痛斥之聞者股栗屹不爲動入

國朝以子達 贈戶部郎中祀鄉賢

周斯字盛際明季諸生與芮城輩並稱高士間客淮揚  
間教授生徒年踰耄耄不仕卒斯講學必宗程朱古文  
亦高簡有法其居鄉尤以正人心厚風俗是亟每朔望  
恒具衣冠與族眾講論鄉約獎善懲過諸孝義貞節獨

行可勸者載筆以傳之著有山中集治河策等書藏於家

湯泰亨字仁只年十四應武試第一尋棄去補博士弟子員篤學不倦化俗以清明季嘗設教揚州門下士多掇巍科而泰亨屢抑副榜後隱居盤白山與芮城談易交契餘事作爲詩文亦膾炙人口年八十五自知大期別諸親友手題墓志沐浴而逝生平於歲之某月日堅卧不起或叩之曰病甚某月日復然識者曰此二日者君親之子卯日也著有周易大象稿四書從正錄藏於家

陳洵字闇儒生而夙慧一目十行比長文名噪吳下高攀龍講學東林洵執經問難諸生皆爲郤席兄先登字爾先力學能文天啟甲子科經房以爭元抑置副榜弟演字繹如姪劓字劒穎皆苦志篤學淹貫經史爲沈黃山周鹿溪所器重後閉門深山著述以老惜多散佚不傳云

陳周字二游幼嗜學至映月讀書比長盡通經史百家言明季避兵山中入國朝屢爲當事薦引以母老不赴與同邑芮城交好嘗還孤甥田不責贖鏹留人去婦及媾給媼族間飢寒昏葬諸高義事甚多不念舊惡意廓如也郡守張某薦宏博辭之督撫延致並不就答以所著書一部然周頗遊江

湖間交結知名士如黃岡杜濬甯都魏禧宣城梅文鼎

輩十數人相與講學譚藝往來倡和杜濬送歸溧陽詩先人司鐸地奇士

喜逢君老愛潛夫學詩從靖節聞一年依好友歸路望

春雲獻歲期重觀鏘鉤論我文周廷英寄示梅花詩遲

遲春畫掩衡門花影橫溪別有村十載已無堪折寄六

時惟此共寒溫攜得冰心坐夕陽都將冷豔照衣裳名

山邱壑吾徒事東閣何勞數舉觴晚益多購書籍以自娛因病肺遂精

醫術卒年七十五著書別見藝文志餘多散佚不存周陳

老樹詩城北老樹何朝生危柯曲幹紛支撐霜侵雪

剝不改色興亡飽閱時歲更扶疎欲與霄漢逼浮雲掩

映殊欹傾晨風夜月守其樸艷陽不與凡卉爭燕雀側

塞未敢近鵬飛鵠徙雲英幾更甲第滄桑換樵爨勿

敢窺柴荆天然野性薄桃李養就森森王國楨丁丁許

許輸神京一朝大野匠施墨繩棹檣卑其名惟有老

樹無所用荒郊綠蔭行人老樹老樹結根久坐卧

其下一相叩歲寒已信甘為友詩人肩入佳題否

狄敬字文止號陶鄰少孤事母以孝聞少長湛深經學

以先喆自期登順治六年進士第授工部主事視河夏

陽值山東蠢動扞禦綏輯動中機宜兵後旱疫相仍力

請蠲賑所全活甚眾尋視學湖廣學政肅清擢潼關參

議撫兵息民懲貪剔蠹無異其在夏鎮也嘗語人曰為

政在躬行吾惟不欺此心而已會缺奉裁致仕歸擇地

建祠族中貧不克昏葬者厚贈之生平於書無所不讀

尤精尚書嘗著衍義發蔡傳之蘊學者宗之祀陝湖名

宦及鄉賢

馬世傑字萬長與弟世俊同以文學著名江左時稱二

馬方之機雲漑洽云世傑順治八年歲貢以耳疾恬於

祿仕教授南山中鍵戶著書為士林宗仰時亦賦詩飲

酒徜徉林下以卒著有欲齋集

馬世俊字章民幼失恃每歲時悲涕無間八歲能詩文  
及爲諸生屢試第一海內知名七應鄉試中式順治丁  
酉舉人辛丑進士

廷對稱王者天下爲家不宜示同異必盡捐滿漢之名俾  
精白一心以成至治見宰輔長揖不拜旣而臚唱第一

無輿馬僕從徒步歸寓都人傳爲佳話

時自作詩云聽  
得臚傳第一聲

玉階何意引諸生同瞻蕊榜隨雲動獨捧宮袍映日  
明櫻薦寢園初罷燕柳依禁籞尙聞鸞應憐

十里無歸騎自  
愧才疎欲避名康熙甲辰由修撰陞侍讀充會試同考

官所得多名下士嘗言館臣無他職讀書卽其職是以  
朝夕一編送迎宴會多謝絕不預丙午卒官朝士哀輓

溧陽縣志

卷十二

人物志 儒林

八

者三百餘人子宥扶櫬歸行李蕭然圖書數卷而已生  
平博涉經史好性理之學兼工書畫嘗鑒家有二右之  
目謂書右軍畫右丞也著有十三經彙解理學淵源錄  
匡庵詩文集李杜詩彙註諸書傳於世

李時亨字行可邑諸生湛思理學操持不苟教授生徒  
咸肅然起敬焉晚益精於濂洛家言間爲詩章多優游  
觀化之作論者以爲去康節先生未遠云

據溧詩  
選敘

史忠琇字冠卿年十六侍父病束帶待旦數月不少懈  
及爲諸生文譽鵲起屢試冠軍康熙壬寅歲貢授經五  
十一年以終弟子徧大江南北邑中馬世俊董粵固輩  
皆其及門也生平風節自勵前明天啟時魏璫生祠徧

海內邑有承望風旨議及者忠琇與同學生費良佐等  
力斥之事遂寢當是時里中有十三子文社忠琇哀然  
居首餘十二人吳穎錢士偉唐明獻史燧趙綸馬世傑  
馬世俊費達芮城彭旭彭新及忠琇子洽聞也洽聞字  
遠生少負異才爲督學金蘭識賞弱冠爲人師脩脯所  
入悉以奉親一切嗜好泊如云子顯觀廩膳生父子並  
早卒

陳德慶字輿敬明給事中獻策子幼英異工文爲宜興  
盧象昇所器重字以女殤焉已復從高攀龍倪元璐黃  
道周諸君子游學益精邃道周嘗手書緇衣儒行篇贈  
之及象昇開府荆襄德慶在幕多所贊畫入

國朝中式順治丙戌科鄉試己丑公車北上中途聞父喪  
星奔哀毀薄暮抵江阻風不得濟德慶呼天號泣操舟  
而前舟覆竟不死人以爲孝感云後絕意仕進講學潛  
修陶情泉石性好施與業田五百餘畝向買諸族人一  
旦悉還其券無德色著有禮記摘訓二十一史經世編  
法戒錄記異編花事鎖言介雅堂集

陳抃若字曉江賦質敏異八歲爲文日就五藝十六補  
弟子員屢試於鄉不得志遂薄遊中原歷山海居庸諸  
關塞文益奇肆中式

國朝順治丁酉科北闈副榜旣歸著書講學四方之士負  
笈從遊者數十百人研窮性理尤殫精經世之學於天

下山川形勢財賦盈虛從衡出入皆有碩畫讜論可措  
之事業慷慨樂施其餘事云所著詩文集三百二十六  
卷藏於家

史夔字胄司號耕巖 贈大學士鶴齡長子康熙二十  
一年進士由編修歷任至

經筵講官詹事府詹事雖居翰苑陟卿班講學如諸生汲引後  
進孳孳不倦己卯典試兩浙所識拔多一時名流都憲  
沈近思侍講查嗣瑛皆其門下也生平究心濂閩之學  
躬行自得終身不見疾言遽色爲世儒宗性孝友父歿  
督諸弟勤學普隨皆成進士子貽直乾隆間大學士  
贈如官夔始出新城尚書王士正之門詞章亦具有根

溧陽縣志

卷十二

人物志 儒林

十

祗

朝廷大制作多出其手兼工書法受知

九重方當大用而卒著有扈蹕樟亭東祀扶胥諸集行於  
世

黃夢麟字硯芝號匏齋金華知府如瑾子夙負奇慧於  
書無所不讀尤沈酣六經詩古文出入儲岑韓歐間而  
駢體得六朝人風格云康熙乙丑

廷試第三授編修戊辰分校禮闈稱爲得士纂修

三朝國史一統志陞中允充日講起居注官珥筆侍從以  
文學見知時如瑾官刑部郎

御書內緞之賜父子均沾爲一時榮遇夢麟孝友恬退假歸遂

不復出著有尚書古文考詩序得失論春秋四傳考歷代樂律同異考道學源流考太極圖說皇極經世說十七史得失論唐詩箋俱在匏齋集中

彭會淇字四如號菴洲天資英邁讀書數行俱下研窮經術詩古文亦精麗流逸書宗二王康熙十五年進士授編修應制詩文屢擢第一後爲國子監司業勤於課士造就宏多同考典試並矢竭公慎務取眞才歷官內閣學士遷工部右侍郎襄贊機務釐剔精覈尋以事罷歸督訓子弟爲宗祭酒獎成後學率多正人生平以儒雅澤躬以謙慎制行洵階卿貳敝衣疏食一編晏如御賜樸學堂額以旌之四十六年

溧陽縣志

卷十二

人物志 儒林

十一

聖祖仁皇帝南巡迎

駕江甯五十二年赴 京恭祝

萬壽

恩禮有加復官晉爵極儒臣之榮遇云歿祀鄉賢

任文煒字簡斌號新庵康熙癸卯舉人事親誠孝撫兩幼弟成立昏娶後悉舉先人遺產畀之六試禮部不第官無錫教諭仿鷺湖鹿洞設立規條其教士先器識而後文藝因材誘掖不肅而成旣卒士林歌思諸祀名宦文煒學貫經史研切大義躬行實踐粹如藹如終身無跬步之失解組後未嘗一入城市歿祀鄉賢

狄士迴字峻成孝友剛方沈潛經學爲文敏捷頃刻可

數藝十四補弟子員性喜聚書至老愈篤著有毛詩講  
意四書摘訓其餘手錄成帙者尙有二十餘種  
吳繼華字在茲工文而篤於學喜陽明良知之說教人  
以收放心爲宗議論上下古今精闢貫串不爲穿鑿傳  
會家居爲族祭酒常以德義教其宗人村無訟牒戶無  
宿逋當事稱爲義門

湯之賓字觀光康熙丙子歲貢潛心經史研厥指歸時  
藝古文推一時宗匠著有周易纂訂學者奉爲指南孫  
振原承其家學性孝義五世同居嘗於三塔蕩倡建十  
石柱標識水道舟行賴之

狄寬字思載乾隆十年進士歷知東流巢鳳陽太和望

溧陽縣志

卷十二

人物志 儒林

十二

江等縣陞鳳陽府水利清軍同知寬究心圖籍尤練史  
事因臨川黃繼善史學提要止於北宋而俗本所續南  
宋元明託稱平湖陸氏者又缺遼金西夏乃更爲續編  
加以輯注尙書沈德潛敘行之

呂琦康熙丙戌歲貢授桃源縣訓導潛志經學至老不  
倦著有四書衍注

狄咸字子咸廩膳生少涉經史試常冠軍母黃早歿每  
祭必飲泣終日性直好義嘗執例斥富商占籍者焚負  
券數十紙伙助人昏葬無吝色生平聚書及名人翰墨  
極多每歲時伏臘必盛饌召族中子弟相聚角藝其爲  
文深思篤古不逐時趨坐是終困以子咏篋累贈朝議

大夫著有三傳分國顧鏡集藏於家

史僊源字津侯乾隆甲申歲貢少能文總督慶某拔送  
鍾山書院山長楊文叔奇賞之課輒第一爲人伉直善  
抉摘文章家利病不少迂迴已而儕輩所嘗遜謝推伏  
者並取科第去而僊源以明經終老所教士亡慮數十  
百輩於爲文咸有理法云僊源之學尤長制義然根極  
經史不爲講家選家之言年八十餘猶出授業篋中不  
攜一卷記誦講貫如少壯時  
王皓幼聰穎日誦數千言爲文俊偉不趨時好從荆溪  
任啟運遊所得益進嘗以大器期之賚志以歿子芑翼  
少孤孝友樂施手鈔經史百家盈數十卷父子並以侍

溧陽縣志

卷十二

人物志 儒林

十三

郎綬貴贈如官芑翼長子理歲貢生亦好義嗜學著有  
周易集解音韻辨同藏於家

潘蘭字九畹乾隆戊戌歲貢性和有守橫舍間常持公  
論爲諸生所推然未嘗輒預外事閉門授讀教戒子孫  
以孫際雲 贈文林郎霍山知縣著有戰國地名釋芝  
田詩鈔傳於世

沈培齡字家臺乾隆甲戌歲貢父元煉進士知瀘溪嘗  
修溧陽縣志培齡承其家學自爲諸生時有名晚官涇  
縣訓導歸已大耋猶能適館授粲神明不衰弟子徧鄉  
國年九十四卒

彭以諲號復園侍郎會淇孫年十八學於荆溪任啟運

遂研究經術充邑廩生隨父阡塾江官中縣試有以白金私謁者以譴發之黜其人阡歸析產僅得三十畝以譴授徒養親存歿由禮乾隆丙子貢於庠辛丑選授來安縣訓導年老不就後主講平陵書院年九十無疾而終生平持論力學以窮理爲主敦行以克己爲先所撰經義異同經史劄記惜不傳傳者復園詩稿芸軒雜著各若干卷

彭光斗字文樞以譴從弟年十七補弟子員督學雷鋹甚賞其文充乾隆癸酉選貢己卯順天舉人由教習試縣福建署建安有王某者木簾爲人漂沒訟沿三十餘年不決光斗至令諸被控有名釀百金更出俸補給歸

里仁明之聲翕然改補永定尋分校鄉闈沈某卷已被落光斗閱其五策詳瞻薦取之解組後消搖林下數十載三舉鄉飲大賓卒年八十六光斗博涉經史兼善詩詞晚年屏居南郊取謝上蔡語顏其齋曰小歇處著書甚多略見藝文志

狄司稼字育民乾隆戊子科舉人爲文不務時趨期於古作者耿介不進杜門授經以終子璿邑諸生後充四庫全書館謄錄以大母年老不就勵志讀書於經史百家詳求善本抄錄等身工文不遇著有柯亭詩賦草周集字辰文邑廩生講學宗程朱而闢陸王於時文好趙高邑嘗取鄭鄴項煜文雜燒之曰此壞人心術也著

有經學說理欲生長圖說藏於家族弟彙中亦孝友篤志著有四書別解近是錄

周柄中字理衷號燭齋乾隆戊子舉人性篤學強識自爲諸生時購觀載籍無虛日旣南窮江湘北游勃碣西涉河洛抵褒斜漢中覽其山川圖記又嘗留京師數年校書四庫多錄祕牒抉發生平所蘊疑義蓋終其身無一日不在問學之中於人世一切聲利泊如也乙卯截取知縣不就以嘉慶六年卒於家年六十四柄中之學不空譚義理背棄古訓亦不墨守漢儒掇拾瓌賸穿求崖穴所辨證悉援據經史佐以百家之言而歸於自得嘗欲學者旁涉舉業之外而患其拘墟以爲不切於

用乃取四子書典故辨正之凡二十卷旣刊行或未之信乾隆丙午江南鄉試鄉黨題中式者說多與之合書稍流布矣然柄中學故鴻肆他所撰述世或未之知也五經三傳並立學官然或不究形聲雅詁乃作羣經考石經字韻諸書考著述之家或鄉壁虛造性好非毀至於疑謗官禮訾警程朱乃作讀書書後言性圖說其他雜著答問及所作府縣志之類尙多略見藝文志爲人默而好深湛之思雖徧遊四方主講湘潭漢中平陵書院未嘗以其所學自炫士大夫間處稠人廣坐才辨之士易其儒者詰難蠡起徐出一語折之莫不驚服雅不喜人傳會道學謂後世希顏之徒得一好學寡過者斯

可矣舍此而好言道統皆妄也天性孝友少時遊大城  
夢讀喪禮心動馳歸父母相繼歿盡讓田宅於兩弟而  
別購數椽居之授徒以自給晚年有勸之仕進者慨然  
曰吾性不耐此況今已老乎卒之日口占二詩自敘神  
色不亂如平時

文苑

周絳幼入黃山觀從道士楊用柔爲老子學名智進適  
縣令視水菑至觀威儀甚肅因悟所學之非改業爲儒  
更名絳攻苦問學登太平興國八年進士第由都官員  
外出守毘陵郡

史彥虬字仁彥博學宏才宋仁宗朝任將仕郎守太子

溧陽縣志

卷十二

人物志 文苑

十六

正字尋歸樂邱園始修史氏宗譜至和元年上半年啟建康  
府判田相公乞禁侵壞壯侯廟文辭甚工

潘溫之字溫甫好學王安石稱爲江東書櫃子登熙甯

九年進士第終絳縣令

據建康志

錢時敏字端脩早穎悟讀書一覽成誦屬文敏速氣岸  
軒豁勇於爲義年十八縣以明經上郡庠貢辟雍政和  
二年繇上舍登進士第授大理寺丞遷祕書丞除駕部  
郎充奉迎兩宮扈從禮儀使司屬官改兵部郎檢察郊  
祀大禮儀仗遷右司郎兼權右史充禮部貢院參詳官  
又兼外制拜權工部侍郎俄權兵部侍郎除敷文閣待

制奉祠告老紹興二十三年卒年六十八

據建康志

錢周材字元英質重氣和退然似不能言望而接之知其爲篤厚君子七歲能屬文鄉賦第一登建炎二年進士第繇大理司直擢普安郡王府教授歷遷校書郎著作郎兼教授如故除起居舍人遷刑部侍郎使金還拜中書舍人直學士院兼實錄院修撰又兼侍講知常州奉祠孝宗登極以舊學召對便殿留奉內祠兼侍講復爲中書舍人遷給事中兼直學士院母憂服闋屢詔不赴以龍圖閣直學士奉祠告老乾道三年卒年七十二

據建康志

吳箴嘉定十年進士爲京學東廳教授善誨人有文名府學贐送貢生規約碑是其手筆

溧陽縣志

卷十二

人物志 文苑

十七

嚴瑄字國珍以解元登至正十三年進士第授分宜縣丞生有異質工爲詩雅健秀潤有遊覽諸作傳於時孔克齊字肅夫至聖五十五世孫大父宗善爲建康路教授卒官父文昇贅於溧陽之沈氏遂家焉克齊工爲文以憲司薦授黃岡書院山長陞國史編修至明正統間裔孫節之曲阜一夜詠梅花百首爲衍聖公所奇彭壽之字伯齡母芮夢一童子持玉印至孕而生壽之八歲以奇童召見時大德三年也試詩授文學待詔出入殿省宴賚甚優居六年歸覲溺於河以尸歸葬白龍岡壽之詩有老成風度惜其全集經亂不傳於世云

應制

如曉日長楊苑秋風太液池御溝流碧水紅葉莫題詩  
又有乾殿瞻龍袞坤闡靚鳳儀金貂帽煖風無力銀鼠

裘温雪有姿等句投贈則有上梁景  
二丞相謁某尚書等詩並爲時所誦

楊景銘字公亮有詩名元季絕意仕進構軒沙漲里曰

水天清意

胡儼題詩云澄江一碧天浸水星河盡在冰壺裏白蘋微颺鯉魚風兩岸蘆花吹不起軒

牕臨水敞玲瓏月到天心夜正中幽人燕坐羣動息一襟爽氣超鴻濛湘靈鼓瑟眾仙下老蛟起舞馮夷宮此

時清意誰能會安樂窩中人未睡卻憐龍斷走紅塵終日昏昏長似醉幽人已去乘白雲清意猶能傳子孫繡

衣驄馬心如鐵索 屢辟不起與同邑王遂嘉稱韋布交

晨夕倡和詩沖靜學韋應物有集傳於家

蔣珙字國信正德十二年進士授桐鄉知縣歷官湖廣

僉事宦學之餘怡情詩畫其作山水筆墨甚矜惜世亦

間有傳之者遠祖從外家爲楊氏至珙始復舊蓋卽漢

山亭侯蔣澄後裔云

溧陽縣志

卷十二

人物志 文苑

十八

強銳字止之以詩畫名與蔣珙交最善家屢空未嘗以  
食干人小有得意輒寓諸筆墨清遠絕塵富人子求之  
不易得然時以貰酒無恠也著有鹿莊稿藏於家

彭謙號芟東嘉靖二十三年進士工部觀政家素以貲

甲鄉里卜築春草池白雲溪諸名勝地池館琴尊之樂

聞於東南爲人才氣不羈詩亦磊落自喜直抒胸臆生

平未嘗以制舉業束縛子弟旣仕不遂聞者惜之著有

芟東集

據溧詩  
選序

彭九齡字伯延能詩以國子生授饒州府幕退而名其

園曰歸來與劉侍郎麟馬太常從謙司業一龍獻咏不

輟太常集金山寄九齡詩有曾作玉蘭堂上客明年花

發擬重攀之句晚號拙翁自傷其失明也著有西巖詩  
草弟九章亦以詩名

袁達字達夫幼孤母訓嚴甚弱冠爲諸生工詩文嘗游  
學無錫母以暑月病卒遄歸則旣斂矣達抱恨終身閉  
戶攻書足不入城市郡判高其行署其門曰儒逸子端  
化隆慶庚午舉人績學砥行能承父業

彭若龍字伯乾嘉靖丁酉舉人詩高渾清勁無愧古人  
著有金粟齋集曾孫遵亮遵琦琦子新先後鄉舉遵亮  
嘗購求古今名人集甚富披閱無虛日惜所著不存  
吳遇明字世會以文學教授里中爲人有傲骨嘗赴季  
考薦牘廩至遇明題詩卷端而退詩曰百里淹留天下

才春風時雨荷深培滿城桃李吹噓盡可到芙蓉江上  
來令偉之

虞許字兩可初名國儒能文兼工書畫邑中碑碣多其  
手書萬厯壬子舉人知永豐縣期年解組歸里徜徉林  
泉天啟三年知縣董允升延修志書已成未刻卒年六  
十八著有朗齋稿行世子五臣字喜哉詩亦有父風  
錢自期字仲翔少負雋才中式戊子副榜遂棄諸生業  
不復爲攻詩擬陶靖節所交皆一時名輩邑令數以上  
賓延之並不就晚號澹凡子著有澹凡集未梓行  
史濟元字羽明少爲名諸生問字者屢常滿戶萬厯丁  
酉副榜肆業國子監選授福甯州判以廉稱陞衛經歷

罷歸設教秦橋寺與邑之士夫極論經義詩文間與高僧道流作方外語不問家人生產七舉鄉飲壽逾八十字顯典字肇正明季歲貢候選知縣亦屢舉鄉飲好施濟於績學多聞之士尤加敬禮終其身未嘗疾言遽色與人交有始終

葛汝楠字處巽慕范長生之爲人自號青城萬厯丙午鄉試既取中矣以累句抑置副榜時長洲陳元素亦以五策不合黜爲副汝楠與訂交因攜笈讀書虎邱山寺有梅花精舍坐卧其中十二年性能詩尤工書法吳中貴游餽遺不絕悉卻之元素而外獨與俞宛綸周埏交厚而已既歸屏居馬塘村意愈蕭瑟惟曩所鑒識馬

溧陽縣志

卷十二

人物志 文苑

二十

世俊數相過從論書或至三晝夜世俊嘗指其當戶鷄籠峯戲之曰此豈君家青城山耶年七十病卒遺田八畝或搜其遺稿竟不可得

據馬世俊所作墓表

至

國朝又有葛翰以詩名著有葉園稿荆溪任啟運稱其發洩醜於澹泊得陶韋之遺爲敘而行之

據任敘

狄頌堯字永宗肆力詩古文辭泰昌貢生官至王府長史生平惟以撰述爲業著有觀如室稿行世嘗作八耆傳敘其父同然兄弟及從兄弟行誼八人者皆登大耋

同然由知縣改王府審理年八十一弟同默貢生未仕年九十頌堯亦享年七十八

錢佳字盟可幼負奇雋風流文采卓冠一時崇禎庚午舉人授泰興教諭明亡後高隱湖東陶情詩畫有集傳

於家

王徵字亦正少年力學文譽翕然生徒日益進崇禎癸酉科中式舉人年三十矣而學行愈篤十上公車國朝順治乙未已擬元爲主者所擯後官通州學正楊宗簡字文中少有文譽崇禎十三年進士授嚴州府建德知縣政尙寬厚遇事輒進紳耆虛心商榷陞職方司主事告歸研精圖史以老見嚴州府志李源字長公崇禎壬午舉人爲文醇雅而博於古膾炙人口甲申後府縣督赴公車源以親老不欲遠離膝下每以疾辭或中道而返朝夕吟咏爲詩人杜祝進吳穎所稱世傳窮山李氏爲讀書家

溧陽縣志

卷十二

人物志 文苑

二十一

彭材八歲能詩早棄舉業縱覽古今福建林茂之一見奇之數年學益進因更出游足跡幾半天下遇名山大川騷人才士之陳迹輒憑弔慷慨爲長歌頃刻千百言與兄桂互相激賞一日盡焚所著端坐而逝年二十八獨遺少作萋齋稿云時又有彭啓元七歲能詩卒年二十彭旭字旦兮幼奉母史訓讀書攻苦期爲名儒弱冠補諸生爲文有大家尺度崇禎壬午舉於鄉旭聲望夙重爲人倫所仰而其家素封中罹逆僕潘茂之變積書萬卷與華屋俱燼乃薄遊浙東無所遇教授丹陽將母色養居憂服闋補壽州學正尋以脾病卒生平與芮城爲理學友吳穎馬世俊爲詩文友家變後購求遺書雖殘

編斷簡皆索而補之令復完好云

陸禹思字元錫歲貢生崇禎十三年特賜進士授戶部主事差管九門鹽法督餉天津擢廣西司郎中尋罷歸不起隱於漁釣自號蒹葭子著釣經一卷辭義甚美芮城敘而傳之

宋之繩字其武號柴雪初從父劫遊燕才名甚著登崇禎十六年進士第廷試第二人甲申之變祝髮匿僧舍爲邏者所獲投井不死得南還時南中馬阮用事之繩避地浙西入

國朝以薦補侍從充日講官擢中允丁酉主試順天有知人之鑑辛丑出爲江西參議勤於政事士民呼爲好官

溧陽縣志

卷十二

人物志 文苑

二十二

大僚甚重之康熙丁未裁缺致仕囊橐蕭然同官周其資斧以積勞得疾抵家三月而卒爲人豪爽而清飭交滿天下尤與黃岡杜濬善篤於宗族好獎後進衣冠懷之存詩六百餘首書畫俱佳著有柴雪詩鈔國雅集載石堂尺牘行於世

吳頡字子蒼潮州知府穎從弟生有至性事母以孝聞弱冠與穎齊名入邑庠一時有二俊之目旣而穎舉進士而頡淡於宦情放意山水詩酒自娛遠近慕其學行從遊者頗盛云長子環亦能文次子琇舉進士

趙綸字理之邑諸生力學深於文研窮理蘊能發先儒所未發凡所著述經經緯史與史忠琇馬世俊芮城諸

人爲瀨上斯文翹楚其設教先本行而後文藝四方學者翕然宗之甲申後隱居不出卒年八十一

馬復字爾卓邑諸生風雅不羣弱冠以文鳴爲諸先輩所推重行楷尤得晉唐人風味單詞隻字學者寶之

史泰字扶九少擅文譽陳名夏稱其簡而有體學成誨迪後進循循有規矩不愧人師順治辛卯舉人壬辰進士授徐溝知縣居官清慎被服如寒儒以勘菑踰期謫福建副理問

周珽字霞屏父爾鼎訓之嚴珽承受惟謹登順治十二年進士第授太平教授每朔望進諸生而課之經義必宗古訓文宗歐曾大家士習亦蒸蒸然日進在任五年

溧陽縣志

卷十二

人物志 文苑

二十三

卒家無餘貲惟古書數卷而已

彭桂字上馨生十餘年徧涉經史百氏不讀時文年十八始從師習舉業三月而成倚席可得數義二十四補弟子員亦頗揣摩場屋之文以求遇合非所好也遇風月清美友朋燕集流連寄託於詩歌琴酒之間一往而莫能自止三十歲父禎源歿因游幕四方歲資其入以養老母厯楚粵返踰江淮徧涉齊趙幽冀之域所至作詩憑弔酣嬉淋漓登岱一篇浩浩三千餘言見者以爲北征南山之比舊院行白溝河諸作或謂可上掩元白而近與吳偉業頡頏逆旅旗亭傳寫不絕以此名聞天下旣而謀得近地養母乃自揚州至江甯依按察使金

鎮居久之康熙十七年當事以鴻博薦桂自陳母老且

疾巡撫慕天顏疏請不允桂又上書於慕

棄零丁孤苦無以自存遂徒步數千里繆以詩名為

人羅致於今十有八載夫桂無虞卿立談之辯無終軍

請纓之勇無賈如山徐樂成書而退亦不能效計然

才進不能學相如翁子名而退亦不能效計然猗頓

修富甘於俛首依筆傭慈闈幕下以爲不負米養母

良苦矣然與其依戀慈闈幕下以爲不負米養母

人菽水之不去遠亦足傷倚閭之苦念是飲以而

求近便由燕而魯而邗而昇今母亦故鄉僅兩舍

至得以便由燕而魯而邗而昇今母亦故鄉僅兩舍

寒疾痛之可呼而告語也兩心痛母亦故鄉僅兩舍

時師濟英又濯磨而奮於功名之差會而桂懷安

簡帥於榮進者久矣邇秦蜀閩粵黔湘之區次第

六詔遺孽遊魂阻險尚煩宵旰乃於此時崇論道

講幄經筵寒暑勿輟特沛旰乃於此時崇論道

桂雖舉至愚陋疲繭無能者將試之以備邊圍而

各舉至愚陋疲繭無能者將試之以備邊圍而

雖舉至愚陋疲繭無能者將試之以備邊圍而

雖舉至愚陋疲繭無能者將試之以備邊圍而

雖舉至愚陋疲繭無能者將試之以備邊圍而

雖舉至愚陋疲繭無能者將試之以備邊圍而

雖舉至愚陋疲繭無能者將試之以備邊圍而

溧陽縣志

卷十二

人物志 文苑

觚染翰之士共集闕廷以獻甘泉上林之賦頌而  
趨然動躍自然興如潛魚之應弦而聽樊禽之望雲  
振翻也方自思伏者借茅齒於一爲之安引復賢  
大乃忽有吳公莊助借茅齒於一爲之安引復賢  
念乃忽有吳公莊助借茅齒於一爲之安引復賢  
名乃忽有吳公莊助借茅齒於一爲之安引復賢  
力自蒙薦有公吏打門驚喜同於毛二翰苑知息  
老母今年幸博十一遇四入爲親榮何衰病奄福  
神魂失墜顛神祇侍湯藥請未違尚何心於求尺  
乎執事鑿其誠懇特爲疏請未違尚何心於求尺  
之符立復促就道尚今號控於存桂食部察允復  
荒遽無呼人哀理尚今號控於存桂食部察允復  
能不以鳴哀於執事澹蹈與古嚴名寬其程督也  
失怙以雖懷落於自放澹蹈與古嚴名寬其程督也  
北鄉舉固非薄求名慕遐繩樞之子嚴名寬其程督也  
殿庭豈非稀世榮遇而敢偃蹇以朝就塗而夕聞  
依天倫至性死生永訣之仆溝壑若天賜之得回  
得視含斂之踊道執事同之仆溝壑若天賜之得回  
其誠迫慘惻之情冀事之垂聽若天之賜之得回  
生差可醫藥仰答當理清問以副羣賢盛朝求賢  
其荒落之學仰答當理清問以副羣賢盛朝求賢

文大典執事宏獎樂育至意而亦希報先  
人教訓慈母撫育之恩於萬一幸甚感甚  
復不獲辭將  
就道而母歿性豪邁伉爽敦尚風義所交如朱錫鬯施  
閻章毛奇齡闔若璩梅文鼎魏禧徐乾學姜宸英輩以  
數十皆當世名流晚年卜築溧陽之秦公橋手定所著  
其詩不下萬首存者獨抄本初蓉閣詩十二卷賦論三  
卷又刊本泊庵詩餘四卷藏於家祠

彭士俊字哲人順治丙戌舉人邳州學正登十五年進  
士第爲文尊先輩矩矱行草在虞褚之間生平足跡幾  
徧天下遇山水佳處輒流連不去發爲詩文性耿介豪  
邁解囊周急家無餘資焉

楊垂菁字械印順治己亥歲貢生考授訓導才高學瞻

溧陽縣志

卷十二

人物志 文苑

二十五

睥睨一世飲醉後詩歌尤善云

吳環字象樞邑諸生幼敏與弟琇受易於叔父穎游學  
當塗御史徐某深器重之嘗出其文就正陳名夏陳歎  
曰此吾邑錢希聲也兼工詩識者擬之鮑庾家貧數椽  
不蔽風雨處之宴如著有歷代帝王論類纂樂府青龍  
洞次韻詩藏於家

馬宥字書淵幼承父世俊家學淹博通貫古文紆餘條  
鬯有歐曾揖讓之度詩亦爽朗刻露不爲塗澤而風格  
自超聲稱噪國門艱於一舉時論惜之著有硯疇集溧  
詩近選弟容與宥齊名著有谷合集並行於世

費坤字蓴治康熙乙丑拔貢充官學教習候選知縣績

學嗜古至老不倦文行一秉先民軌範不詭於正云  
陳珏字容若弱冠爲諸生受知學使李來泰數奇不遇  
乃沈酣古學以詩自娛性高潔一介不妄取與著有寄  
廬詩集寓庵詩詞存傳於世子藥林貢生能文蕪湖教  
諭有黃姓侵占學地以五百金賄藥林笑謝之直上其  
事於府地悉恢復紳士懸扁於署曰清釐聖域  
宋涵字叔邃髫歲卽工制義肆力詩古文辭深入闔奧  
所交結多天下知名後以父老始有意顯揚規取科第  
就童試補弟子員康熙十七年薦徵鴻博罷歸徜徉泉  
石舊遊貴顯者不妄削牘以干之人歎其高雅

史鶴齡字子脩號菊裳康熙六年進士選庶吉士授編

溧陽縣志

卷十二

人物志 文苑

二十六

脩詞翰兼美小楷在黃庭經樂毅論之間

聖祖仁皇帝肇開經筵集廷臣試書法第一充日講起居注官  
每人

內廷作書

聖祖前席諦視嘉獎無己以故

御案卷冊多出其手性恭慎奏對安詳

恩賚貂蟒之屬至於再三極詞臣之榮遇

侍宴太和殿詩百

官環侍

紫宸邊雲開寶樹光千仞樂奏簫韶韻九天

詩

恩渥花底微吟湛露篇南苑蒙賜出五雲中籠桃

猶帶朝霞彩映日偏驚曉露紅

君恩重仙掌金莖味許

同 將大用矣以假歸省母卒於家年四十

特恩賜祭葬

世宗憲皇帝卽位猶

眷問不衰

鍾于序字東澤才名傾一時康熙己酉科舉人教諭績溪課士得古人程法擢通渭知縣嘗應溧陽令成懋勳之聘續修徐志著有九州史行於世

陳時泰字尚于康熙二十四年進士授河南舞陽知縣工舉業能爲古文詩有俊拔之氣與鍾于序同續徐志考核之功爲多

史騏生字千里號薑塍八歲能詩十五爲諸生七試冠其曹康熙甲子中式順天鄉試以微疵磨勘被黜士論惜之性孝友奉母終身無違腴田玩器悉以畀諸昆弟尤好獎拔寒畯杭州章藻功文集自謂得文章三昧於騏生著有就齋詩文稿行於世

狄億字立人號向濤敬子幼聰慧讀書過目不忘工詩及書弱冠名噪海內登康熙三十年進士第官翰林時高麗使者慕其名願一望見億以人臣無私交拒之示以小影使者拜題二詩歎息而去散館改調遂引疾歸坐臥一小樓四十年於當事不報一刺高才懋學中道謝歸不究其用著有洮湖漁子集十卷

狄字蒼成穎悟絕人沈酣經史年十七補弟子員由拔貢生中式康熙己卯順天鄉試授徐溝知縣未任卒

爲人孝友愷悌撫弟遺孤四人並得成立邑人有以貧  
窶鬻妻者字周之俾完聚著有禹貢注獵古齋稿藏於  
家

史普字西眉號紅泉鶴齡仲子初學文語輒驚人兼善  
詩字由副榜入太學與諸名士分曹角藝詩文傳誦  
輦下時長洲何焯金壇王汝驤在太學有名睨視一切獨  
於普讓一頭地康熙三十九年與兄子貽直同登進士  
第授靜海知縣有惠政尋自引疾民爲立生祠歸築紅  
泉花園爲養親讀書之地著有紅泉詩稿行於世

狄應麓字心抑通涉經史善屬文試輒冠軍補廩膳弟  
子讀書虹橋書院與諸名宿驅馳壇坫當事深激賞之

溧陽縣志

卷十二

人物志 文苑

二十八

後貢太學著有五經經解

任芝發字香山文煒子讀書穎悟善屬文藝林推重雍  
正元年進士授戶部河南司主事天性孝友慈祥寬厚  
假歸卒於家

史貽簡字方濤夔子雍正癸卯舉人考授內閣中書陞  
禮部祠祭司員外郎遷兵部職方司郎中調武選歸林  
之後與邑中老宿賦詩還往間爲山水方外之遊湖隱  
庵酬倡集足繼二馬軼事云

周以甯字安孟雍正元年歲貢工詩文飭躬制行一本  
學問其教人嚴而善誘從遊者率能自樹立或掇巍科  
而以甯困於場屋以貢生老

宋鬯同字奕長之繩孫讀書一目數行俱下工詩古文兼善書畫慕李太白之爲人浮白狂歌千百言刻燭可待其畫蘭石亦瀟灑生動並爲時所珍惜所著不自收摭存者有列朝總論詠蘭詩數十首

馬麟書字洙源沈酣古學時藝尤推重江左諸生時試輒冠軍遊其門者多有名於世以雍正己酉充選拔貢生爲人伉爽敦尚氣節貧而好學屢空晏如

陳世超字射文名夏孫少穎異拔俗詩法宋元書畫亦灑落有致以漢軍籍中式康熙戊子鄉試授雲和知縣陶情山水吏事無廢兄世襄從弟匡亦以詩文著

宋辰字應龍雍正丙午舉人選授廣西融縣知縣改六

溧陽縣志

卷十二

人物志 文苑

二十九

安州學正性慷慨好義工書及詩嘗與修吳學濂縣志著有漁山石瀨黔遊諸集傳於世

潘如儼字臨谷詩文工而富見重當代眾謂寶興采望可必售如儼以父病不肯遠離就試撫兩幼弟及兄之子若孫以慈愛聞性耿介不欲由徑以獲功名有招之者輒笑不應未嘗一謁京師貴游鉅公雍正甲寅貢於庠需次訓導年七十五卒

任端書字搢思蘭枝子乾隆二年進士

廷試第三授編脩告歸嗜學不倦著有南屏集選擇天鏡傳於家

史奕簪字朋九大學士貽直長子乾隆十三年進士館

選授編修擢贊善分校甲戌會試得人爲多性孝友祥  
順諸弟宦遊四方恒獨侍父京邸至老孺慕親族所當  
敬朔望具衣冠請謁途遇所識老者必拱立問起居手  
評選古今集部朱墨細楷華顛不輟綺襦紈袴之間非  
其好也嘗語嗣子祖榮古所稱讀書不求甚解此敏悟  
之言後生末學且須一字不肯放過其篤志如此卒年  
六十七祖榮嘗撫師遺孤周嫻族之急幼能文鄉試限  
於官額屢薦不售援例爲布政司經歷

陳大論字紫山父震隨親塞外母狄課之嚴登乾隆四  
年進士第選庶吉士授編修充

武英殿纂修日講起居注官累擢國子監司業翰林院侍  
讀教習庶吉士歷充辛未會試同考官壬申廣東主考  
晉侍讀學士尋督學湖北以父憂歸里哀毀成疾竟不  
起大論辭學華瞻書近王澍張照爲司業時以扈從賡  
詩稱

### 旨擢侍讀又嘗賦玉壘歌刻

承光殿石柱

玉壘歌 地不愛寶坤珍關瓊崖顯出瑤琨  
石駒如黑谷內含貞淨比銀濤外浮白大匠

規形象圓海搜奇抉怪工摹畫雲根鑿破窪中虛四圍  
滔滔走潮汐浴日翻風浩淼間螺峰隱現蓬山脊紛綸  
水族不可紀出沒騰凌駭河伯天工人巧合雙奇灝氣  
蒼茫呈地脈雨來忽似點千波風度靜看澄一碧金元  
故物久湮埋盛朝獻自浮邱宅昔置廣寒尚寂寥今  
入承光勤護惜盛朝獻自浮邱宅昔置廣寒尚寂寥今

藏金册若作衢樽貯萬  
鍾飲和億載歌堯陌

館閣榮之其生平所取士搜擇

眞才不愧衡鑑之目云

狄颺字霽巖四歲失怙生母吳恩勤教鬻早年學成自童試時爲文洋洋灑灑具大家風度登乾隆七年進士第教習

咸安宮爲人方嚴而與物無忤見重戚族間將用世矣以疾終於其職年三十五遺有霽巖詩稿從孫兆奎乾隆癸卯舉人亦以能文得名著有蔚齋集

王宇字肩寓乾隆辛酉順天舉人歷任中牟洛陽泌陽知縣所至士民戴之其自洛陽調簡泌陽也士大夫相與倡和作詩成帙學士陳浩敘之云方今吏治修明人民殷阜爲吏者以繁劇爲才別之曰簡則已必慙之而人且晒之今君之所咏懷多不及是宜諸君子之樂與

溧陽縣志

卷十二

人物志 文苑

三十一

爲和也

蔣士銓和宇泌陽五十詩初度重吟入雒年鬚眉攬鏡自知憐官臨清泌真如水筆妙秋豪直

到顛循吏傳原多異政謫仙人定有微譽公餘不廢儒生業老境文章出自然

宇性恬退而多

四方之遊每登山臨水人事感發輒形之篇章清婉可誦所著別見藝文志

狄繼紳字閻仙別號雪衿父以清諸生有文學嘗因親老究心醫術如張從正之儒門事親焉奉寡姊撫孤甥有義以是見推於世繼紳生而母史見背更事兩繼母無違語及輒涕泗如是者終其身於人不妄許可久要彌篤色夷氣溫可親也而遇事持正莫能干以私嘗游京師中式乾隆癸酉順天解元授內閣中書孤介不進致仕歸主講蕪湖書院尋返林下嘯詠一小樓圖史羅

列几研可鑒久之不起卒年六十九繼紳詩不爲叫囂  
馳騁愴焉安雅而時或憂懷孤寄沉綿慨忼於言外見  
之如其爲人始官京師僦居法源寺寺有海棠丁香  
之勝花時命客如所善詩人董潮王文治管幹珍輩觴  
詠其下率以爲常已而諸人散去繼紳漠然無所向及  
所乘車敝乃乞长假徒步從一二布衣飲頃之自免以  
歸厚祿故人以書至偶一作答而已存有選齋詩鈔  
馬鎮字守之乾隆己亥舉人以經術爲時文典贍完密  
近人無出其右一試禮部歸老於鄉篤雅有節之士也  
吳兆襄字于鱗乾隆甲辰歲貢老於文律教授生徒有  
名然兆襄故汎覽羣籍工爲詩篇嘗應秋賦至江甯獨

往空山廢苑間裴回弔古人莫之識也偶遊隨園贈詩

袁枚袁大欣賞刻之同人續集中

詩有寫到黃庭剛恰  
好拈來白傳偶然同

及高座自修千古業遊人爭看四時花之句袁報書  
云讀至此如東方朔自贊令我眉舞色飛距躍三百 屢

試不舉論者惜之著書別見藝文志

吳桂字蔭芬天才敏悟哀樂過人年二十爲督學彭侍  
郎元瑞所賞補弟子員乾隆之三十九年也家貧教授  
里中以廩膳生屢試不舉未嘗措意晦明風雨一編在  
手寥然有會於心或時掩卷太息遇園林山水俛仰陳  
跡輒低徊者久之嘗薄遊秋浦旣倦還詩愈悽婉蓋其  
所處之境若有所不獲已者卽又未嘗以自明亦遂奄  
然嬰疾矣桂兄弟友愛篤於交遊嘗養疴尊經閣學師

錢燕習爲療之同學生探視不絕卒年三十三哭諸寢門者莫不大慟云著有胥溪湘煙樓諸集傳於世  
史蟠字伯劭號補堂幼隨父國華於京邸意氣通悅未嘗折節貴游以國子生試順天十餘年不舉父憂還里徙家宜興而自具扁舟襍被往來吳淞間遂渡淞歷甌粵回經五嶺沿大江而東歸如是者又十餘年嘉慶庚申舉於鄉僅一部試餘輒以病免四十二歲卒實惟戊辰之年蟠詩清婉麗密尤長於詞其詞始爲淋漓頓挫豪宕激楚之音中年以後傷於哀樂乃更自掩抑宛轉協律議者謂如天風海濤之乍收忽爲暗潮嗚咽銅琶鐵版曲終人去而更奏么絲之切響情一往而莫能自止其入之也愈深而其生平所菀結亦愈莫解矣性妙知音少時有曇首長歌之癖後以瘖廢小愈猶時時作之其所撰詩詞別見藝文志顧所尤自惜者詞也錢塘吳錫麒臨川樂鈞鎮洋彭兆蓀爲之敘病革謂其族兄炳吾詞既有諸君子賜之言乞子更爲敘其生平出處大槩刻甫成而瞑聞者悲之

### 隱逸

楊誠字以成宋理宗朝由太學生任太常典簿時權姦用事國勢傾危因自免以歸杜門卻掃時或刺船載酒往來湖山間從一二童奴優游賦詩以老

據史繼辰所作傳

史敬武字彥剛別號松隱父禮之清修篤學元延祐間

辟浮梁教授不就敬武夙承義方學有體用其教子孫必自宋儒小學始究極經史百家古今治亂至正十二年紅巾破溧陽練兵捍衛難民州亦恢復語具史舜安傳其後天下大亂敬武憂憤上書於皇太子其略曰曩者天子以四方弗靖興師致討至正十四年九月以丞相脫脫領兵十二月罷之自此連年不征屢次大赦惟務招安示弱召侮雖悔何及攷脫脫爲相病在自滿不納忠良今其人既往七年之內政治亦豈勝於前日乎若使脫脫總兵待以歲月責以成功可無今日國家空虛兵民散亡之患臣所以歎息痛恨者一也兵興以來綱紀不立典章隳廢苗獠楊完者首亂人倫俶擾天憲

放逐官府攻城掠民不知朝廷何反眷遇之隆賞擢之峻遂使羣凶效尤跋扈難制完者雖死黨與必誅江浙之民至今切齒臣所以歎息痛恨者二也自招安之令行將帥坐陞盜賊僞款陽奉正朔實有異圖掩盜錢糧割據城邑無名賞勸歲歲煩勞臣所以歎息痛恨者三也法令不在於朝廷亦不在於總省有賄賂者雖工商亦任牧守有倚托者雖虛功亦與真授遂使蠢爾凶頑要我萬乘各據申達惟命是從曾無一人持可否於朝堂臣所以歎息痛恨者四也天下未嘗無人才國家不能用而盜賊用之所以攻城必得守城必固招之不降討之不克抑人才亦豈忍爲其用哉勢使之然耳今任

省院郡府者聽命兵官惟恐不及言路附權選法倚勢  
僅僅具版籍應故事而已臣所以歎息痛恨者五也臣  
觀天下之弊未有甚於此時者也願殿下以選用人才  
扶持綱紀爲急務夫人才在乎搜隱逸求之言路斷不  
可得也綱紀在乎法祖宗泥於吏弊亦不可得也姑以  
我朝典故言之魯齋先生許衡之言曰上以誠愛下下  
以忠報上奉使郝經之言曰綱紀禮義者天下之元氣  
也文物典章者天下之命脈也守臣陳祐之言曰治亂  
關乎人才選舉宜慎言臣許約之言曰廣薦舉所以求  
遺逸也今采其略獻於殿下願置左右曰講明之書累  
千言不見用先是至正十七年邑大饑敬武悉散錢粟

於族人更爲粥以給饑民所活甚眾及上書不見用乃  
屏跡里居益示信義爲保全鄉黨宗族之計卒年六十  
遺書略見藝文志

李繹字元胄元末隱居不仕明洪武中舉賢良自以先  
代遺民辭不受職偕弟恂嘯詠林泉以老

史鎬字景周贈給事中祚之父也制行方嚴不妄交一  
人而心實寬厚家雖饒樂約於自奉及義所當爲累千  
金不吝也明景泰五年歲饑出廩粟助公家賑全活無  
算朝廷賜冠帶以榮之辭不獲乃改授子祚晚益避喧  
習靜臨水構軒曰澄碧種菊數叢因自號菊坡而日與  
里中耆宿彈琴飲酒賦詩其間

據林瀚所作墓表

兼工繪事尤

善蘆鴈世珍傳之鎬潛德不曜施於其鄉以大其後累  
三百餘年簪纓不絕云

芮長恤字蒿子初名城字巖尹讀書過目不忘日誦二  
百餘頁與陳名夏同受業湯帝賚陳洵之門名夏務博  
文而長恤志在立行崇禎末以諸生肄業南雍嘗遊神  
樂觀考證圖籍祭器樂舞慨然欲有所建白而明社爲  
墟東南立國乃獨叩學使者致諸生以歸時年三十矣  
或問其故長恤歎曰一成一旅正廟堂薪膽之時而上  
則選伎徵歌下復贖貨樹黨四鎮不和疆場多壘功名  
乎哉憂方大耳由是學耕山中足跡不入城市後名夏  
貴顯還求一見不得惟與湯泰亨往來質疑考異天人

溧陽縣志

卷十二

人物志 隱逸

三十六

性命之旨務闡宋儒扁奧間爲詩歌以自娛出入風雅  
會海寇入犯江甯厚幣聘長恤峻卻之不汙僞命人服  
其高節凡隱居數十年而終著書別見藝文志

參據江南通志

及舊縣志案長恤舊縣志在儒林通志則歸之隱逸  
今遵用之庶令史例而亦使生平節義不爲學問所掩  
爾云

蔣種芳字覲明更曰又陶慕柴桑也少穎異屢試冠軍  
明亡後隱於家知縣朱正色教諭沈壽廣折簡招芮城  
陳丹及種芳三人就試皆不赴歲凶種芳出穀百餘石  
賑饑鄉人久而頌之

始遷

陶謙字恭祖丹陽縣人

舊縣志云家世潤州案漢無潤  
州今據後漢書本傳改正此丹

陽縣乃今之當塗縣也漢季以封溧陽侯遷此今之陶莊相傳其

故居也又舊縣志案語云謙開封愍侯陶舍之裔以破黃巾有功就封溧陽後裔陶泗徙緱山陶兌徙義笄子孫甚蕃

馬訓扶風人晉元帝時南海太守嘗隨駕北征後徙居溧陽之西莊今前城甃橋諸村子孫蕃衍

宋陟字齊邱廣平人唐宰相璟長孫因安史亂徙居溧陽子孫世家焉餘詳本墓

姜瑤仁宋初集賢校理自汴遷溧陽姜笄據姜譜子衍義

興主簿衍子國玘真宗朝秦府郡馬兼兵部尚書神宗

時死西夏之難孫興襲某官據吳志

溧陽縣志

卷十二

人物志 始遷

三十七

滕斐字文彬廣平清河縣人宋慶厯中爲溧陽學官因卜居焉餘詳職官志

秦梓江甯人徙溧陽之上店子煇燧燧子城俱仕至大夫十世孫又分徙宜興

王郭字伯威祥符人宋靖康時以戰復光州功授保義郎後同弟諸王宮教郭及宣教郎節扈高宗南遷遂家

樊川前王里

石思義字雅宜竟之奉符人從宋高宗南遷家于玉溪里官至右迪功郎

狄英字天秀天水人隨宋高宗南渡舉賢良方正任江浙省副使開府溧陽致仕遂居胥渚里今狄氏祖也

王端朝字季羔本澶淵人過江愛溧陽風土因家焉少以該洽聞年十八舉建康第一後薦太學又爲第一登第中博學宏詞科歷太學錄祕書省正字江東帥司機宜除宗正丞提舉兩浙市舶知永州乾道二年卒年四十四

據建康志

劉岑字季高本吳興人後遷居溧陽天姿英偉學問該貫忠誠許國寬宏愛士有古君子之風登第累擢至著作郎再使金通判興國軍除湖北運判辟川陝隨軍轉運使除金部郎累遷權戶部侍郎後出知太平池州移鎮江府除刑部侍郎遷戶部金陵志作吏部知信州賁單州團練副使全州安置在全五年移建昌軍居住又歷九年

溧陽縣志

卷十二

人物志 始遷

三十八

紹興乙亥冬自便復官奉祠起知泰州移揚州温州除戶部侍郎車駕親征除御營隨軍都轉運使奉祠告老除徽猷閣直學士乾道三年卒年八十一官至左朝散大夫先世葬烏程之杼山故號杼山居士據建康志岑建道勝風月二堂別見古蹟又舊縣志云岑與高僧大慧爲方外交亦別見方外

崔敦禮與弟敦詩本通州靜海人同登紹興庚辰第舊縣

志作紹興庚戌案紹興無庚戌誤也愛溧陽山水買田卜居傍舍鑿池池

上有讀書之堂扁曰雙桂于湖張孝祥筆也敦禮字仲由歷江甯尉平江府教授江東撫幹諸王宮大小學教授淳熙八年卒官至宣教郎敦詩字大雅性端厚議論疏通知大體博覽強記爲文敏贍以詞學自結主知縣

祕書省正字除翰林權直兼崇政殿說書兼權給事中  
家難服闋除樞密院編修官學士院權直遷著作郎兼  
權吏部郎官又兼崇政殿說書進國子司業改權直學  
士院拜中書舍人加侍講直學士院淳熙九年卒年四  
十四特贈中大夫據建康志  
李處全字粹伯徐州豐縣人邯鄲公淑之曾孫後遷居  
溧陽天資超軼貫穿今古忠誠許國寬大好賢慕劉杼  
山之爲人其文章閎肆詩兼眾長字畫亦適麗登第繇  
宗正寺簿遷太常丞知沅州提舉湖北茶鹽除祕書丞  
兼禮部郎官遷殿中侍御史遂除侍御史母憂去朝奉  
祠後知袁州處州移贛州未赴改舒州淳熙十六年卒

溧陽縣志

卷十二

人物志 始遷

三十九

於任年五十九官至朝議大夫姪柄字子權知無爲軍

舒州淳熙四年卒年四十二官至宣教郎據建康志  
舊縣志云處

全葬大  
石山

閻彥昭字德甫世家建康之江甯徙居溧陽性敏悟遇  
事繁劇剴決愈精明輕財尚氣義自浙西帥司機宜監  
六部門遷太府寺丞除倉部郎奉使淮東參議浙東江  
西帥幕除兩浙運判奉祠乾道九年卒年七十九官至  
右奉直大夫子晃昴晟晃子一德歷江陰建昌二軍及  
泰眞二州太守累官至宗正寺簿據建康志  
志彥昭孫伯善學問

淵洽知眞州官至朝  
議郎豈卽一德耶

呂宣問字季通開封人文穆四世孫徙居溧陽據建康  
志餘詳

行孝

羅啟顏字汝愚號忤軒豫章城南羅山人案宋無豫章郡縣此豫章

當即指南昌耳以上舍登宣和甲辰進士釋褐除太學博士轉

著作佐郎金人犯京師以協守功當遷不受因力言和

不可恃宜豫修戰守之具舉朝目以為狂乃乞歸省講

學於萬松書院建炎二年召對行在首舉復讐大義改

祕書少監兼祕閣校理又言河北河東開封屏蔽宜遣

人宣慰激發忠義為宗澤聲援紹興初進翰林學士及

秦檜用事復倡和議落職家居者二十六年乃卜築溧

陽有終焉之志檜死召為翰林承旨金使敬嗣暉入見

充館伴獲正邦交之禮除寶文閣學士隆興間極言邵

溧陽縣志

卷十二

人物志 始遷

四十

宏淵非大將才湯思退不宜居政府尋以原官致仕溧

熙中就家除天章閣大學士固辭卒謚忠簡子應述蔭

承務郎徙祕閣校理終中書舍人據宋周必大所撰羅忠簡傳案周文忠

集二百卷不載此傳殆偶佚耳

施師點字聖與上饒人舊縣志誤作山東人今據宋史本傳改正宋淳熙十

四年知樞密院事舊縣志誤作紹興中為樞密使今亦據宋史改正但宋史乾道元年師點

賜對言事至十四年知樞密院中無淳熙字樣此有脫文也蓋乾道無十四年故知文脫再證以宋周密癸辛

雜識又宋史稱師點紹興三年薨此紹熙之誤茲附正

之舊縣志云自句容徙溧陽奉安里

楊昭文溧陽令邦乂子邦乂擢判建康兀术攻城急以

昭文屬姪孺文奔溧陽邦乂死事子孫遂世居於此明

代楊剛楊紹皆其後裔

沈端節字約之吳興人遷溧陽知蕪湖縣擢知衡州提  
舉江東茶鹽官至朝散大夫淳熙間卒著有克齋集傳  
世從孫鑑同遷登第任太常寺簿官至承議郎今度尊  
圩沈村暨東埂繁昌圩皆其後

參據野志  
及徐吳志

梁居簡其先麗水人居簡始遷溧陽宋元明初代有仕  
者

繆貴一以迪功郎隨高宗南渡家于溧陽子孫亦眾

陳安世字子泰江西人紹興間父康伯隨帝如臨安過  
溧陽覽奉安里之丁溪命率昆弟居之後安世授溧陽  
學官因徙居焉餘見職官志

溧陽縣志

卷十二

人物志 始遷

四十一

劉渠溧陽侯欽裔孫嘉定間知建康府寓居溧陽社渚  
新塘

胡澄字清卿自晉陵徙此知德清縣有能聲官至中散  
大夫嘉定初卒以書法傳世

陸立基山陰人溧陽令子適次子游之孫也寓溧陽陸  
笄里世族繁衍

趙葵字南仲衡山人

據宋史  
趙方傳

京湖制置使方子從南康

李燔爲有用之學一日方賞將士薄欲爲變葵年十二  
三覺之亟呼曰此朝廷賜也本司別有賞軍心遂定嘉  
定間屢立戰功補承務郎知棗陽軍父憂服闋累遷至  
淮西安撫參議坐通判廬州日擅便去官被議奉祠紹

定元年知滁州以其地爲兩淮門戶修城浚湟命將分守青平萬山以壯形勢會母疾告歸不得刲股雜藥以寄之母卒求解官復不許時李全寇亂破鹽城朝廷猶不致討葵言於丞相史彌遠請速發兵以強國勢而安社稷參知鄭清之贊決之乃加葵直寶章閣淮東提點刑獄兼知滁州步騎萬四千進討與全戰揚州四年滅之累擢至兵部侍郎淮東制置使端平元年權兵部尙書帥師收復三京兵食不足潰還降一秩嘉熙元年以寶章閣學士知揚州墾田治兵邊備益飭淳祐三年進大學士知潭州湖南安撫使改福州三年葬母乞追服終制不許淳祐四年同知樞密院疏言朝廷任使當爲

溧陽縣志

卷十二

人物志 始遷

四十二

官擇人不爲人擇官用之既當任之既久然後可以責其成效又乞亟與宰臣講求規畫凡有關宗社大計者條具以聞尋知樞密院兼參知政事又特授樞密使督視江淮京西湖北軍馬封長沙郡公尋知建康府行宮留守江東安撫使九年拜右丞相封信國公四上表力辭據宋史本傳案舊縣志載葵辭表有云霍光不學無術每思張詠之語以自慙后稷所讀何書敢以趙抃之言而自解蓋當時言者以葵非科目故云不允葵散遣將士決計歸里明年御筆姑畀內祠以便咨訪除觀文殿大學士醴泉觀使兼侍讀後以疾力丐外祠遂用特進判長沙五辭得奉祠徑歸溧陽里第據宋周密齊東野語寶祐二年宣撫廣西其後歷官諸府路判使景定元年授兩淮宣撫判揚州進

封魯國公奉祠咸淳元年加少傅一年致仕特授少師  
武安軍節度使進封冀國公舟次小孤山夢年八十一  
是夕五洲星隕如箕贈太傅謚忠靖據宋史本傳子潛淇二  
人忠愍淮其從子也後裔世居水西蘇笪村據舊縣志有祠  
曰三世三忠元仇遠詩別見古蹟

彭顯字克明清江人咸淳進士授真州判官元兵陷州  
趙淮辟置幕中助義防守後寓居溧陽奉安里避元不  
仕隱於石門山再徙黃山今彭氏其後也

張滿一咸淳間以恩澤補將仕郎永嘉教諭由金壇徙  
溧陽

馬忠勝字質甫世爲扶風人元至元間以武功仕銅陵

溧陽縣志

卷十二

人物志 始遷

四十三

尉卜築溧陽因名馬公圩

周南溪字源清廬陵人以進士任溧陽學正因居北門  
瑞蓮坊餘詳職官

孔文昇字退之聖裔建康路教授宗善子贅於溧陽沈  
氏遂家焉子克齊見文苑

木薛飛北平人至元中進士授溧陽州達魯花赤遂姓  
達而家於溧一名達兼濟後陞太平路達魯花赤今溧  
陽猶有薛飛嶺其故蹟也

楔文質畏兀兒人徙居溧陽詳見孝行

湯福孫字介叔金壇人至元中任溧陽學錄居此見職

官

把把公高昌人官江東廉訪司副使寓溧陽孫士聰入

明以科名顯

案舊縣志注又云溧族以畏吾蒙古留居者尚有睦聚戎那四氏不知所出

王福海臨淮人父瑞至正進士知房州殉紅巾賊難長

子福山從死福海其次子也來居溧陽白巖山為東坡

王氏祖

附外徙

姜安十宋末徙丹陽滕村裔孫寶中陳謹榜進士任南

祭酒

芮釗字宗遠其先孫吳時名元者封溧陽因世居來蘇

鄉釗於明永樂間隨父本初徙寶坻登正統壬戌進士

第官至甘肅巡撫子孫蕃衍科甲二十餘人復傳永祺

溧陽縣志

卷十二

人物志 附外徙

四十四

皆其後也

參據舊縣志及野志

胡汝礪字良弼家世永成鄉祖雄徙甯夏衛汝礪登成

化丁未進士第官至兵部尚書吳志云後裔居曹山之

東習儒不絕

潘楷家世永定鄉祖錦衣衛校尉父康以功授本衛百

戶楷登成化丁未進士第由翰林改御史官至陝西按

察司副使今沙漲楊莊祖墓猶存

參據舊縣志及野志

殷邁字時訓其祖以洪武末自永定鄉徙金陵隸留守

戎籍暨邁始顯以嘉靖辛丑登第官至禮部右侍郎

蔣宗魯字道父祖亞計以評事戍普安衛至宗魯登嘉

靖戊戌第官至都御史

陳極新其先由強埠分支前馬里明洪武三十二年徙遼陽歷傳至學敏為撫順諸生極新其第四子也

國朝順治初任江南糧道嘗躬至前馬祭掃先塋官至陝西巡撫子一貫徐州總兵一朝甯波同知一化徽州通判一鵬孝感知縣孫良謨亦官知縣

陳一炳字虎文學敏第三子德新之子也

國朝龍興德新在雲從之列負重望而高尚不仕儉約自持有古人風一炳率其教惟謹歷任奉天府尹吏部左侍郎管刑部右侍郎事

流寓

案狄徐二志元江西行省左丞高昌人普顏不花寓居溧陽吳志不載今補錄之

蔡邕字伯喈陳留圉人溧陽舊志相傳東漢末遁跡至

### 溧陽縣志

#### 卷十二

人物志 流寓

四十五

此縣西泰虛觀東北有邕讀書臺

案舊志稱邕指斥宦官遁跡吳會亡命一

十二年董卓辟之三日之間周歷三臺非其志也以後漢書本傳考之固合然其曾至溧陽別無確證因宋元郡志已載有讀書臺故今志古蹟亦仍之耳辨見臺下又案建康志讀書臺考證云吳顧雍傳蔡邕以內寵惡之慮卒不免乃亡命江海遠跡吳會積十二年吳不

謝朓字元暉陳郡陽夏人溧陽舊志相傳朓為宣城內

史時遊歷至此城北謝公渚是其洗研池

案南齊書本傳明帝時朓

以中書郎出為宣城太守溧陽非其所屬然近在鄰封或嘗一至故亦姑仍舊志

李白字太白巴西人天寶初南入會稽被召供奉翰林

尋放還游金陵采石祿山反轉側宿松匡廬間坐永王

璘辟當誅以郭子儀救長流夜郎赦還潯陽復坐事下

獄宋若思釋之辟為參謀未幾辭職李陽冰為當塗令

白依之據唐書本傳十五載之春遊溧陽與張旭酒樓宴別

據太白集王注

倪筠錢塘人金吾衛長史寓居溧陽長慶元年舍宅為

寺賜額資聖院今之東寺其基也參據金陵志舊縣志

陸龜蒙字魯望元方七世孫也舉進士不中歷就刺史

張搏湖蘇二州辟嘗至饒州不樂拂衣去之居松江甫

里多所論撰身勤田畝不交俗流後以高士召不至據唐

書本傳龜蒙幼時嘗至溧陽遊覽平陵故城有感孟郊作

尉時事云據笠澤叢書

溧陽縣志

卷十二

人物志 流寓

四十六

米友仁字元暉吳人芾之子也力學嗜古亦善書畫仕

至兵部侍郎敷文閣直學士嘗作楚山清曉圖芾上之

便殿據宋史芾傳友仁蓋嘗游至溧陽畫有溧陽溪山圖傳

於世元陳旅安雅堂集題米元暉溧陽溪山圖宿雨散曾巘林麓翳煙霏遙山斷復連川上初昕微我

昔困行役溧陽秋未歸幽子喬松流解后啟郊扉撫景正若此別離嗟願違覽卷遂終日溪雲欲生衣

楊時字中立南劔將樂人熙甯九年進士浮沈州縣四

十七年晚居諫省僅九十日追論王安石邪說害政力

排靖康和議以龍圖閣直學士提舉杭州洞霄宮致仕

卒據宋史本傳生平蓋嘗游寓溧陽云案周應合景定建康志正學傳注論龜山

世家將樂未聞遷居年七十監常州易務地近溧陽或嘗經從此邑謂其常居於此則不可信自市易秩滿

召為祕書著作為諫議為給事中丐去奉祠疾終正寢葬于將樂之西山胡文定誌其墓而舊誌謂終於溧

陽又不可信云云所辨良是然所稱舊志更在景定之前去龜山不遠未必憑空撰出且景定志儒學門具載馬光祖所撰楊文靖讚云龜山先生德盛道尊一世之望靈光獨存立乎本朝士曰展季倡明斯學統則有繼衣冠之南公亦溧陽母薄溧陽君子之鄉則光祖亦以爲嘗居於此茲故仍之又嘉定初知縣王棠嘗建濂溪明道伊川龜山四先生祠蓋亦以龜山曾寓此而溯其道學之淵源故并祀三先生耳

汪藻字彥章德興人舉崇甯二年進士乙科據通鑑宋紀調

婺州觀察推官累遷著作佐郎素與時相王黼不成出

通判宣州遂上書請祠提點江州太平觀寓居晉陵凡

八年參據宋史本傳及通鑑欽宗朝起擢至起居舍人高宗踐阼

累遷兵部侍郎兼侍講拜翰林學士極論大將擁兵寢

成外重之勢又言崇觀以來貲結權倖奴事閹宦與開

邊誤國職名太濫宜依國初法止中大夫紹興二年除

溧陽縣志

卷十二

人物志 流寓

四十七

龍圖閣直學士知湖州乞纂元符庚辰以來詔旨以備

日歷制可會郡人懇其敷糴軍食貶秩停官尋起知撫

州又爲御史所論予祠六年以修撰范冲言復詔修前

書八年上之陞顯謨閣學士尋知徽州逾年徙宣州言

者論其嘗爲蔡京王黼之客奪職居永州二十四年卒

據宋史本傳舊縣志謂紹興中藻以顯謨閣學士知鎮江軍府常遊於溧案史藻未嘗知鎮江且宋世溧陽

非鎮江屬縣不應越境而常遊於此也其後改葬宜興之陽羨後塢據通鑑

藻嘗辟地溧陽有詩大約當在高宗之世案藻食溧陽

始到溧陽縣東野釣遊今幾年嵐光卷樹出孤日雨氣

人山鳴百泉稻畦初秧秀色滿藤援半折幽芳懸武陵

商嶺政應爾倚杖欲去心茫然無從揣其何時作然

其辟地山亭野步詩有黃屋狩萬里兩宮隔辰參之

句則必在高宗時而前詩武陵商嶺政與辟地意合因

疑二詩同出一時矣又案藻於高宗時歷知湖撫徽宣

等州俱不可謂之辟地其辟地至溧陽意者當在罷知湖撫二州以後若罷知宣州以後則徙居永州不返無緣乃至溧陽也但浮溪集題作辟地西亭野步不作山亭與溧陽舊志互異未知孰誤當俟再考耳舊縣志錄藻前詩鈞作到秧作袂援作蔓折  
作旂政應作今若今悉據本集改正

張孝祥字安國烏江人紹興二十四年廷試第一授祕書省正字召對乞總攬權綱以盡更化之美改正故相秦檜鍛鍊諸獄并其所作時政記以黜私說累遷至起居舍人爲御史中丞汪澈所劾提舉江州太平興國宮尋知撫州年未三十莅事精確孝宗卽位知平江府召對行在極陳宰相張浚湯思退當同心戮力以副陛下恢復之志且靖康以來惟和戰兩言遺無窮禍要先立自治之策以應之復言用才之路太狹乞博采度外之

溧陽縣志

卷十二

人物志 流寓

四十八

士以備緩急除中書舍人尋除直學士院兼領建康留守其後歷知靜江潭州安撫廣南西路荆南湖北並有政績請祠疾卒時年三十八據宋史本傳孝祥嘗遊溧陽爲侍郎劉岑作風月堂記又有三塔寺詩別見古蹟本寺朱子名熹字元晦婺源人紹興十八年進士主泉州同安簿罷歸予祠上言帝王之學必先格致誠正次言和議之誤宜任賢使能徐定大計又次言監司守令之病民者當斥去之隆興間屢薦不就淳熙五年知南康軍極陳近習蠱惑上心盜竊威柄上大怒以宰相趙雄言提舉江西茶鹽尋改浙東入對首陳災異與修德任人之說至則盡革丁錢和買役法榷酤諸不便於民者授

江西提刑不拜歸乞奉祠而僞學之禍起矣自後主奉祠觀凡五年十四年提點江西刑獄明年入奏復言近年刑獄失當及經總制錢江西科罰諸弊因請上於一念之頃謹察理欲之別除兵部郎官以足疾丐祠除直寶文閣主嵩山崇福宮未踰月再召乃投匭進封事大旨以人主兢業持心爲天下之大本輔太子選大臣振綱紀變風俗養民力修軍政爲今日之急務書累千言比入上已就寢亟起秉燭讀之除管太一宮兼崇政殿說書力辭除祕閣修撰奉外祠光宗卽位仍直寶文閣尋除江東轉運副使以疾辭改知漳州奏除屬縣無名之賦七百萬減經總制錢四百萬采古喪葬嫁娶之禮

溧陽縣志

卷十二

人物志 流寓

四十九

教其子弟禁男女聚會僧廬明年請祠屢有除授並不拜後爲嘉王府宮僚諭降洞獠之亂甯宗卽位除煥章閣待制侍講首以負罪引慝溫清定省爲言又勉上力學進德訪求治道會韓侂胄居中用事上疏斥首左右竊柄之失批除宮觀州郡差遣並辭乃依舊煥章閣待制提舉南京鴻慶宮乞休不許依舊祕閣修撰慶元二年監察御史沈繼祖誣以十罪落職罷祠五年致仕明年卒

據宋史本傳

朱子生平嘗至溧陽有贈山前巡檢陳英

詩碣書史侯祠海嶽堂額今並存焉

案康熙三年知縣徐一經重修學前

文昌閣於中層供奉蔡伯喈李太白陸魯望楊中立及朱子五先生神版蓋以其俱曾遊溧也又西壇側有齋商公建朱子祠西城曹家巷新安書社亦設位祀之

蕭漢傑丹徒人宋寶祐四年進士元至元中為溧陽路

同知據鎮江志後官饒州路引年卜居溧陽據仇遠金淵集

寄詩注詩云至人本天遊上古惟野處如何種菊成

亦勝封千戶萬鍾且唾去况復問阿堵先生東陵侯成

敗久目睹幾程上金臺一節縮銅虎胃從赤松遊餐芝

擘麟脯温故窮丹鉛投閑棄圭組自是橫江鯨終然辭

網罟獨醒笑眾醉此舉冠千古二疏三高後欲數指難

儂母煩西北山移猿鶴當起舞昔寓南國居日與羹牧

處今營西郭居官梅映窗戶硯山如博尺度先畫堵

此計當勇決結構須快睹伐藤斷長蛇臥石凜伏虎山

厨富笋蕨客至當脩脯野芳散紅紫粲粲五雜組放樵

山水窟脫迹名利罟平泉綠野堂盛事追往古願學樵

夫拜相從丈人儂應笑趨炎人奴顏八風舞又次韻

蕭饒州愛山如愛士交竟忘年未老先辭祿能間

始是仙清談真藥石雅志樂林泉笑看衡門外隨風柳

絮顛謙謙賢太守止止樂間居健筆凌三謝高風繼

二疏家猶傳故笏夢不到安

車何處溪山好相從結草廬

卞南仲字應午號月溪其先長興人能詩元初以臺薦

授郴州判官有溪居江行二集卒葬城南燕山之原此案

謂溧陽城南也諸志似脫去寓弟應魁號雲溪生平兄

居溧陽字樣今亦未便臆添

弟友愛至老猶共寢席云南仲子仲翔工詞翰結交名

輩孫瑛及珏亦以書畫擅長參據舊縣志及野志

劉麟字元瑞本安仁人世為南京廣洋衛副千戶因家焉與顧璘徐禎卿稱江東三才子舊縣志稱與朱應登及顧為三才子非

溧陽縣志

卷十二

人物志

流寓

五十

宏治九年丙辰科進士

龐泮等除刑部主事進員外郎錄囚畿內平反三百九十餘人正德初進郎中出知紹興府劉瑾摭前錄囚細故罷為民因寓湖州

加賦之議遷雲南按察使謝病歸嘉靖初累擢右副都

舊縣志云

長興人

後官陝西左參政力拒

舊縣志云

長興人

御史巡撫保定劾奏紫荆守備中官耿忠縱恣請捐天  
津三衛屯田課出庫儲給河南三衛軍餉再引疾歸起  
大理卿拜工部尚書上節財十四事汰內府諸監局破  
冒錢嗣以中貴人積怨致仕落職罷居郊外南坦賦詩  
自娛三十餘年晚好樓居力不能構懸籃輿於梁曲卧  
其中名曰神樓文徵明繪圖遺之卒謚清惠據明史麟本傳  
蓋嘗游寓溧陽相傳城北上水關有其故處云據舊縣志  
明史及江甯府志俱不言麟居溧陽而溧陽舊志並有之或嘗僑寓於此耳  
王明徵新安人工繪事李維正黃汝亨湯賓尹虞五臣  
父子皆有詩文贈之并訂交焉子鵬字羽侯亦善畫讀  
書好客爲士大夫引重貧困死于溧陽

溧陽縣志

卷十二

人物志 流寓

五十一

陳南金字子兼餘姚人嘉靖丙辰進士卜宅溧陽之城

南官工部主事

參據舊縣志及野志

何平號匡山大興人嘉定籍崇禎庚辰進士知高密縣  
擢禮部主事後爲江南兵巡道時溧陽山寇未平平勦

撫得宜改督福建糧儲嘗寓居溧陽著有學圃亭集

徐範字士則

案舊志不著何處人

客居溧陽太清觀小樓二楹三

十年不輕出不妄交詩宗唐賢文章以宋儒爲法祕不  
示人僅傳草稿數帙而已嘗患資斧不給有徐鳳者字  
龍友亦貧士也迎之歸事如嚴師二載而卒鳳祭葬惟  
謹有臯伯通之風焉範所遺集邑人陳周爲之校訂藏

於家

史得威明史史可法傳作德威

字龍江號愚菴山西大同左衛人

少好馳射明韜鈴崇禎十四年史可法巡撫淮揚得威以援勦都司隸焉聞可法爲說忠孝大義心竊自喜

國朝順治二年大兵南下可法以大學士兵部尚書督師駐揚州時得威署內營副總兵力贊死守已而文武多出降可法召得威相持痛哭命爲後嗣曰我爲國死爾爲我生因作書授之至南京達母妻城陷可法死之踰年得威取所遺衣冠葬之梅花嶺其後悉讓所有於可法之弟可程而攜孥避居溧陽詩酒自遣不與外事惟定省拜掃時時一往始終勿懈焉得威無子與妻龔合

葬社壇村北

參據明史史可法傳鍾采梅花嶺墓圖記陳藥林所撰墓表

### 溧陽縣志

#### 卷十二

人物志 流寓

五十二

劉勘字漢平陝西富平人明末隨父宦江南以才略薦授參將後入兵巡道何平之幕嘗至溧陽會其父母妻女各抱奇節勘遂浮沈洮湖三泖間如窮人無所歸事詳瀨水備聞

范晴宇新安人遊溧陽嘗集宋人理學諸書身體力行又善書遂巡碑子燕貽工董氏行草性嗜鼓琴授徒上興步父子皆以愛客致奇貧死後會葬者數十百人吳應箕字次尾貴池人善今古文意氣橫厲一世阮大鍼得志謀殺周鏞應箕入獄護視大鍼急捕之夜亡去南都不守起兵應金聲敗走被獲死據明史邱祖德傳應箕嘗寓溧陽彭氏東園與陳名夏等結社著有唱和集

杜濬字于皇黃岡人詩文名世兼工繪事人珍藏之崇  
禎間寓居溧陽夏林與陳名夏馬世俊宋之繩等結社  
吟詠

藝術

碧眼周先生者常州人以善相游公卿間劉侍郎致仕  
寓居溧陽周往從之嘗從容薄暮起曰侍郎明日有隕  
墜敗面之厄劉曰當來共食以驗不然當罰爾曰定矣  
旦未及食隣家失火劉倉卒奔避礙於戶限仆地面傷  
焉其他大率類此

夷堅志

溧陽甓橋巫能以異法治骨鯁雖與被鯁者相去遠或  
不見其人亦可療淳熙九年長巷村人王四因食鵝遭

溧陽縣志

卷十二

人物志 藝術

五十三

鯁三日不能下飲食盡隔勢且死遣子持錢詣巫巫卽  
於竈內取灰篩布地上炷香焚鏹誦咒召神結印次以  
葦筒作小犁狀耕灰中云此骨甚深凡耕至一再筒中  
忽微有聲亟傾注水盃間乃鵝翅骨也甓橋距長巷四  
十里王氏子還家父平復已半日矣其病之淺者一犁

卽愈云

夷堅志

張登仕自號容山居士能推陰陽休咎察人情僞如神

趙冀國公嘗愛敬之其故居至明燹於兵

據野志續編

陳梅湖善皇極數受知於元世祖凡遇推卜多以易數  
諷諫朝臣咸敬之官至江西宣慰司副使或問何不爲  
諸子計曰吾數非其所當傳且命貧賤令其粗知農事

足矣

史春谷善李虛中術推入休咎至精元大德間客死當塗旅館遺書曰溧陽史春谷數當盡於此三日後遇孔君仁人也願求棺斂以歸後果有孔文昇至感其言為之棺斂送歸里

蔣恒字德常別號山雲大名推官靚子少受毛詩明方書有司薦入都宏治辛酉用兵疆圉提督軍務都御史史某奏恒從行時疫癘大作恒全活甚眾辭賞不受壬戌欽取內廷供事修合御藥癸亥命入太醫院賞賚瓊玉膏白金等物并敕纂修本草正德初賜歸田里諸公

繪圖作餞時論榮之據恒徵詩啟

溧陽縣志

卷十二

人物志 藝術

五十四

方外

黃鶴真人姓淳于佚其名孫吳赤烏間遁跡小茅山受葛李先生祕訣至西晉時功成騎黃鶴飛昇而去今黃

山觀即其修煉得道之地云案此據舊縣志其金陵志注則但云西晉有黃鶴真

人修道飛昇不言孫吳時遁跡

仙者李盤白溧陽人舊縣志作隴西成紀人避魏武之役隱居溧陽西晉初築

室高邃山之西陲煉丹丹成以九井藏之得玉苗芝一

本類白蓮花養一虎飼以藥苗清水不血食調之仁虎

峯頂作一亭名會仙元康舊縣志作太康元年八月十五日清

晨輕雲縹緲異香紛郁太極仙翁八洞天仙俱會於亭

乃服丹玉皇遣朱衣使者齋玉冊詔補吳越仙任盤白

老鬢皤然而紺髮盤頂因以盤白爲嘉號仍以名山事

載于碑或曰名盤栢云據金陵志案舊縣志作名盤栢此栢形近栢而誤也盤白盤

栢聲近故世傳二名必非栢字梁簡文帝詔卽真人宅造觀目曰招仙

宋改泰虛據舊縣志

幽棲伯姓名無所考隱居縣北三十五里梁普通二年

修煉丹成全家四百餘指皆飛昇去後人以宅爲觀額

曰幽棲云詳見本觀

宗法嗣字宣遠溧陽人魁岸峻拔神仙中人也唐開元

初於縣西北四十里建永僊觀觀內造玉清靈臺諸勝

世稱宗先生據金陵志

釋希覺字順之其先毗陵商氏後徙溧陽生希覺唐末

溧陽縣志

卷十二

人物志 方外

五十五

喪亂傭書給事中羅隱家隱偶問名居歎曰毗陵商家

子何至於此多與之直勸歸修學年二十五忽求出家

於温州開元寺時文德元年也據江東外紀

許堅不知其家世或曰晉長史穆之裔形陋而怪幘巾

芒屨短襪至盥自負布囊常括不解每就澗浴不脫衣

出而嘆之或問其故則言天象昭布雖白晝亦常參列

人自昧之爾其可裸裎乎得大魚則全體而烹不加醢

鹽熟卽嚼之遊溧陽下山寺有詩詩見淨土禪院後或居茅山

或入九華樊若水勉之以仕鬻蹙不答嘗至陽羨人不

之識一日涉西津凌波澗步若平地然眾昉神之不知

其所在據南唐書堅又嘗遊溧陽泰虛觀觀西北放魚池其

遺蹟也幽棲觀亦有石刻堅詩詩見幽棲觀元時尚存據金陵志

黎道人少落魄去家足跡遍秦魏宋政和間遊陝西夜為虎窘竄伏古廟頃燈光中有三道士飲數童侍黎驚起道士詢所自且以銀盃酌飲之自是不飢惟飲水而已宣和中至邢之磁村聞四畔皆哭聲有媪曰夜間野犬為崇搏食孩稚黎曰吾當殺之經宿哭聲至即持挺逐捕乃一村媪煤面裸身化形而來解郡斬之崇遂絕建炎多難黎歸溧陽結茅庵於市側遇兵癘必先知之輒別去人每視其去留以為安否其族為營一庵以事之會縣中火災黎往救四門皆有一黎人愈崇信黎轉不自安一日奄然逝後有人遇之建康且託訊其里中

溧陽縣志

卷十二

人物志 方外

五十六

故舊好事者因啟棺視之止存草履焉參據閭史及舊縣志

比邱景倫自溧陽往金陵為句容令周惟敘所留建圓寂寺於赤山以居之事在紹興年知府葉夢得襄其成

據本寺碑

大慧禪師宗杲年七十三由金壇至溧陽訪道友劉侍

郎岑取道荆溪而歸據大慧年譜

祖傳溧陽宋氏子徒慧鑒即其族人也宋嘉定初金壇人吏部尚書曾喚重建布金寺祖傳實始開山劉宰記之云傳一盂一衲外無贏求鑿以應供得贏為恥惟自食其力凡寺之荒岡斷壟悉樹以松其級而下者為田農者去之曰是不可稼乃薙其蕪乃窒其疏而瀦其上

游以漑歲甚儉亦克有秋化藜蕪爲寶坊更雨濕短昏  
爲高明爽塏嘻其盛矣又云某聞人道之所以立曰不  
忘先也釋氏之所以興曰不忘施也若曾公其不忘先  
者歟傳與鑒其不忘施者歟書之石識其兩得也據金壇志  
金真人城西金巷人幼愚慧不事檢束父母遣執洒掃  
於太清觀夜夢三茅眞君授以靈符密咒旣覺忘之復  
夢如初凡三夕乃能記憶皆禦災福民祈禱祕文也宋  
理宗時錢塘江潮爲患天師方士不能治眞人曰我能  
治之曉抵江濱眾薄其貌不爲禮眞人乃呼取鐵券以  
丹書符投券而三叱之潮遂平丞相史彌遠引以見帝  
賜三品道官及粟帛之類皆不受問所欲曰願免三茅

溧陽縣志

卷十二

人物志 方外

五十七

峯稅糧耳帝可其請賜眞人號遣還彌遠贈以詩云千  
載天師龍虎山久無音迹到人間茅山自有金眞士除  
却江潮免稅還或大雪中浴市河不解衣服或伏水上  
如龜形或逾半月不語或三四日不食凡旱潦眞人禱  
之輒應初不假符咒也忽一夕不知所往其徒晨訪之  
乃側卧三清殿几上近視已僵矣參據山居野志及舊縣志  
正果字天然溧陽人幼禮南京雞鳴寺古心禪師明心  
悟性了無俗累明天順四年住持句容興教寺恪守清  
戒搢紳重之長洲戴洲贈詩有月明止水心源淨花落  
閒庭色相空之句邑令太原張某尤所敬異據句容志  
遠夢和尚溧陽人住金陵俗名袁應魁棄家出遊至雁

蕩靈巖谷薙髮爲僧更名圓魁然不甚禮拜講解常掩  
室靜坐冬夏一衲衣萬曆丙戌祭酒戴愚齋爲之作疏  
募建靈巖寺成乃曰有寺無經佛法何明又持祭酒  
書至白下化緣造經壬辰正月二十六日在元真觀中  
忽獨語曰印藏經自有時今亦已矣遂坐化去七日鬚  
髮漸生都人士瞻禮者甚眾元真觀主郭懷野爲陳於  
宗伯王公乃命具龕火之煙皆西向遺一偈蓐間云自  
古原無死無死亦無生作一黃梁夢亘古又亘今

據金陵瑣事

湯頭陀城西人少解牛一日縛子母牛於楹將先解其  
子置刃砢上入內少頃出尋刃不得有孺子曰適牛母

溧陽縣志

卷十二

人物志 方外

五十八

銜一刃不知所置遍覓得諸溝湯怒將先屠之牛跪哀  
鳴如訴湯悟毀刃并縛縶投井中卽出不知所之年七  
十餘始歸溧陽頭陀緇衣自號澹齋云常住杭州之招  
隱寺

正傳號幻有溧陽呂氏子年二十二因感香山小說出  
家從荆溪沙門樂菴薙髮樂菴沒心喪三年尋至京師  
謁笑巖禪師得大悟時當萬曆中受兩宮供奉凡留二  
十二年後復棲息五臺靜修十三年會武進唐太常鶴  
徵問道五臺請南還駐錫宜興之龍池宗風大振弟子  
爲天童天隱兩禪師再傳至牧城玉林而臨濟正宗得  
法者眾以萬計今禹門禪院猶有鶴徵及正傳塑像焉

參據江南通志溧陽舊縣志禹門寺志存研樓二集 玉林北遊時嘗從溧陽甘露菴早發有詩詩云蒲團隨地穩散殿坐來餘後夜雲籠樹頭陀趁早霞

散仙吳玉號心元或云江右人或云宣城廣文師段籍

二眞人流寓溧陽南溪陳氏延爲塾師邑令董案天啟初知縣

有董允升聞其有異敦請禱雨立致甘霖瀨土沾渥鄰邑無

流潦焉某親藩以幣交吳託尸解沒後有人自西蜀來

附書門下士盛乳陽陳閻儒輩有相逢十九年之語至

崇禎己卯而諸人謝世符十九之讖云據瀨水備聞

任聘年宜興人爲溧陽太清觀道士明崇禎甲申之變

聘年備法衣加衰詣縣治舉哀禮成遍別所知言吾分

當死設三日醮入玉華山端坐而逝據江南通志

溧陽縣志

卷十二

人物志 方外

五十九

釋璇字師南邑之燕山楊氏子壯年慕道往參天童證

諸佛心印與石奇雪竇諸公友比歸說法屏山有語錄

行世

海證字道明初從蜀辨軒師於屏山親負瓦石以建寺

後遊茭山築靜室於籬籬園而棲息焉遂參上乘於諸

內典靡不澄澈寂化時異香滿院得舍利子數百顆

覺彌字进石邑之雷山人住迎恩寺書法詩律嘗見稱

於陳相國名夏後往金粟持戒律者十餘年歸而道氣

動人法施雲集寺宇爲之煥然陳抃若有捐助石工記

寂炎字時哲受剖石之戒得孤雲之宗與馬修撰世俊

吳知府穎倡和甚多吳贈詩有聽得潮聲不用耳晚年重聽

云故心通世態只如禪之句可以略知其概云

守安中橋王氏子居夏林鍵關修道白燕繞龕宋太僕  
劫稱其有儒釋不二之悟延之東寺說法贈以御賜朝  
帶後嗣珍藏焉

慶祐號自天溧陽李氏子年二十一五臺出家後參瑞  
光徹禪師許爲入室弟子順治初由五臺入都黃岡山  
陰兩學士傾心禮足將列薦於朝師拂衣不顧視世之  
開堂說法者未可同日語焉

據尤侗西堂雜俎二集

智頊字貫慈廣東梁氏子始得法於弁山離言義禪師  
崇禎中居溧陽夏林之圓通菴後結茅崔芥有年里人  
朱養明捨宅爲寺有猛虎護法之異乃創建殿閣鑿山

溧陽縣志

卷十二

人物志 方外

六十

引沼種竹栽花極林泉之勝

國朝順治十一年冬赤蓮一枝挺生池內其後知縣事林

文輝額其寺曰千華

參據彭旭千華寺碑記及舊縣志

碧露四川綦江王氏子明崇禎癸未生年二十皈投渝  
州慧覺和尚逾十年始決計薙染作心頌獻師深見器  
許及師涅槃乃過華巖謁聖可禪師後又遍參名宿如  
天童雪竇弁山諸老神悟超然康熙二十六年丁卯春  
始至溧陽結茆縣西仙人山葛氏捐地與之遂創建崇  
隆寺宇煥然蔽林己卯旱師虔誦華嚴祈禱得雨歲乃  
大稔辛巳出應金粟之聘莅院凡三年百廢頓新風規  
大振又於鹽官手勅下院緇素傾心一日宴然說偈歸

寂時康熙四十二年也遺命歸葬溧陽崇隆寺之側

參據

潘允恭碧露塔  
銘及舊縣志

海念字德如志行堅密與碧露同參南岳深契宗旨韜  
鋒斂鐔深藏不市邑西門外雙橋傾圮海念募積五年  
修築告成世壽九十有五端跣說偈而瞑

